



SLUŽBENI GLASNIK OPĆINE ŽIVINICE

GODINA LIII

07. APRIL 2017. GODINE

BROJ 6

Na osnovu člana 2. Zakona o ministarskim, vladinim i drugim imenovanjima („Sl. novine FBiH“ br. 12/03 i 34/03), člana 1, 4. i 7. Zakona o izmjenama i dopunama Zakona o ministarskim, vladinim i drugim imenovanjima („Sl. Novine F BiH“, br. 65/13), a u skladu sa odredbama Odluke o izmjenama i dopunama Odluke o utvrđivanju Standarda i kriterija za imenovanja na upražnjene pozicije u reguliranim tijelima općine Živinice i na osnovu člana 24. Statuta općine Živinice („Službeni glasnik općine Živinice“, br. 4/12), Općinsko vijeće Živinice na sjednici održanoj 30.3.2017. godine, d o n o s i

O D L U K U

O izmjeni Odluke o davanju saglasnosti

Član 1.

Mijenja se član 1. Odluke o davanju saglasnosti Skupštini JP „Veterinarska stanica“ Živinice za razrješenje Nadzornog odbora JP „Veterinarska stanica“ Živinice, broj 10-05-2388/2017 od 23.3.2017. godine, tako što se pod rednim brojem 3. umjesto „Nevres Paprikić“ piše „Muamer Tabučić“.

Član 2.

Odluka o izmjeni Odluke o davanju saglasnosti je sastavni dio Odluke o davanju saglasnosti broj 10-05-2388/2017 od 23.3.2017. godine i proizvodi pravno dejstvo od donošenja Odluke o davanju saglasnosti.

Član 3.

Odluka o izmjeni Odluke o davanju saglasnosti stupa na snagu danom donošenja a objavit će se u „Službenom glasniku općine Živinice“.

O B R A Z L O Ź E N J E

Zakonom o izmjenama i dopunama Zakona o ministarskim, vladinim i drugim imenovanjima F BiH u članu 1. regulisano je pitanje odgovornog javnog službenika tako što je rečeno da je odgovorni javni službenik osoba ili organ koji je osnovao navedeni regulirani organ. Ako je regulirani organ ili organe osnovao Parlament F BiH, Skupština Kantona, Skupština grada ili Općinsko vijeće tada je odgovorni javni službenik Parlament F BiH, Skupština Kantona, Skupština grada ili Općinsko vijeće.

Razrješenje se provodi radi neusvajanja Izvještaja o radu i finansijskom poslovanju JP „Veterinarska stanica“ Živinice za 2016. godinu.

Izmjena Odluke o davanju saglasnosti broj 10-05-2388/17 od 23.3.2017. godine je na razmatranju iz razloga jer je Odlukom o davanju saglasnosti sa sjednice od 27.4.2016. godine data saglasnost Skupštini JP „Veterinarska stanica“ Živinice da imenuje privremenog člana Nadzornog odbora, te je umjesto Paprikić Nevresa imenovan Tabučić Muamer.

Bosna i Hercegovina
Federacija Bosne i Hercegovine
Tuzlanski kanton
Općina Živinice
- Općinsko vijeće -

PREDSJEDAVAJUĆI
OPĆINSKOG VIJEĆA ŽIVINICE

Hamdija Numanović

Broj: 10-05-2368-11-13/2017
Dana, 30.3.2017. godine

Na osnovu člana 13. Zakona o principima lokalne samouprave ("Službene novine FBiH", br. 49/06 i 51/09) i člana 24. Statuta općine Živinice ("Službeni glasnik općine Živinice", br. 4/2012), Općinsko vijeće Živinice, na sjednici održanoj 30.3.2017. godine, d o n o s i

O D L U K U
o davanju saglasnosti i garancije na kreditno zaduženje

Član 1.

Daje se saglasnost i garancija JKP "Komunalno" Živinice za kreditno zaduženje kod KOMERCIJALNE BANKE u iznosu od 400.000,00 KM na period od četiri godine.

Član 2.

Javno komunalno preduzeće "Komunalno" Živinice se obavezuje na vraćanje gore navedenog duga u narednom periodu od četiri godine.

Član 3.

Ova Odluka stupa na snagu danom donošenja i objavit će se u "Službenom glasniku općine Živinice".

Bosna i Hercegovina
Federacija Bosne i Hercegovine
Tuzlanski kanton
Općina Živinice
- Općinsko vijeće -

PREDSJEDAVAJUĆI
OPĆINSKOG VIJEĆA ŽIVINICE

Hamdija Numanović

Broj: 10-05-2368-11-3/2017
Dana, 30.3.2017. godine



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE

Tel.: ++387 35 743 392 - fax: ++387 35 743 393

Broj: 10-05-1998-1/2017

Dana, 27.3.2017. godine

Na osnovu člana 24. Statuta općine Živinice ("Sl. glasnik općine Živinice", br. 4/12) i člana 109. Poslovnika o radu Općinskog vijeća Živinice („Sl. glasnik općine Živinice”, br. 3/2017), Općinsko vijeće Živinice na sjednici održanoj dana 23.3.2017. godine, razmatrajući

DNEVNI RED

1. Realizacija zaključaka sa prethodne sjednice Općinskog vijeća Živinice.
2. Razmatranje izvještaja o radu i finansijskog poslovanja Javnog preduzeća "Horizontala-Živinice" Živinice za 2016. godinu.
3. Razmatranje izvještaja o radu i finansijskog poslovanja JU "BKC" Živinice za 2016. godinu.
4. Razmatranje izvještaja o radu i finansijskog poslovanja Javnog preduzeća "Veterinarska stanica" Živinice za 2016. godinu.
5. Razmatranje izvještaja o radu i finansijskog poslovanja d.d. "Sportska dvorana" Živinice za 2016. godinu.
6. Razmatranje izvještaja o radu i finansijskog poslovanja JZU "Dom zdravlja" Živinice za 2016. godinu.
7. Razmatranje izvještaja o radu i finansijskog poslovanja JU "Dječije obdanište" Živinice.
8. Razmatranje izvještaja o radu i finansijskog poslovanja JU "Centar za socijalni rad" Živinice za 2016. godinu.
9. Razmatranje izvještaja o radu i finansijskog poslovanja JU "RTV" Živinice za 2016. godinu.
10. Razmatranje izvještaja o radu i finansijskog poslovanja Javnog preduzeća "Komunalno" Živinice za 2016. godinu.
11. Izvještaj o ostvarenju budžeta općine Živinice za period 01.01.-31.12.2016. godine.
12. Prijedlog Odluke o utvrđivanju školskih područja javnih ustanova Osnovnih škola sa područja općine Živinice.
13. Prijedlog Odluke o izmjeni i dopuni Odluke o postupku davanja u zakup poslovnih prostora.
14. Prijedlog Odluke o uslovima i postupku za ostvarivanje prava na proširene oblike socijalne pomoći u općini Živinice.
15. Informacija o stanju agrara na području općine Živinice.
16. Informacija (obavijest) o planu upisa učenika u srednje škole na području općine Živinice za školsku 2017/2018. godinu.
17. Informacija o poslovnim prostorima.

18. Mišljenje na Prostorni plan područja posebnih obilježja dijela slivnog područja akumulacije Modrac.

19. Vijećnička pitanja, odgovori i inicijative.

20. Tekuća pitanja.

donosi

ZAKLJUČKE

I

1. Realizacija zaključaka sa prethodne sjednice Općinskog vijeća Živinice primljena k znanju.

2. Ne usvaja se Izvještaj o radu i finansijskom poslovanju JP "Horizontala" Živinice za 2016. godinu.

3. Ne usvaja se Izvještaj o radu i finansijskom poslovanju JU "BKC" Živinice za 2016. godinu,

4. Ne usvaja se Izvještaj o radu i finansijskom poslovanju JP "Veterinarska stanica" Živinice za 2016. godinu.

5. Usvaja se Izvještaj o radu i finansijskom poslovanju d.d. "Sportska dvorana" Živinice za 2016. godinu.

6. Usvaja se Izvještaj o radu i finansijskom poslovanju JZU "Dom zdravlja" Živinice za 2016. godinu.

7. Ne usvaja se Izvještaj o radu i finansijskom poslovanju JU "Dječije obdanište" Živinice za 2016. godinu.

8. Ne usvaja se Izvještaj o radu i finansijskom poslovanju JU "Centar za socijalni rad" Živinice za 2016. godinu.

9. Usvaja se Izvještaj o radu i finansijskom poslovanju JU "RTV" Živinice za 2016. godinu.

10. Usvaja se Izvještaj o radu i finansijskom poslovanju JP "Komunalno" Živinice za 2016. godinu.

11. Usvaja se Izvještaj o ostvarenju budžeta općine Živinice za period 01.01.-31.12.2016. godine.

12. Donosi se Odluka o utvrđivanju školskih područja javnih ustanova Osnovnih škola sa područja općine Živinice.

13. Prijedlog Odluke o izmjeni i dopuni Odluke o postupku davanja u zakup poslovnih prostora, vraća se na doradu.

14. Donosi se Odluka o uslovima i postupku za ostvarivanje prava na proširene oblike socijalne pomoći u općini Živinice, uz izmjene u članu 9, tako što se u drugom stavu umjesto "Komisija za rješavanje u drugostepenom postupku" piše "da se žalba može izjaviti Ministarstvu za rad i socijalnu pomoć", i zaključak: Zadužuje se JU "Centar za socijalni rad" Živinice da do novembra 2017. godine, odnosno do prijedloga Nacrta budžeta općine Živinice za 2018. godinu, pripremi spisak lica za zdravstveno osiguranje za sva neosigurana lica koja su u stanju socijalne potrebe.

15. Prima se k znanju Informacija o stanju agrara na području općine Živinice.

16. Prima se k znanju Informacija o planu upisa učenika u srednje škole na području općine Živinice za školsku 2017/2018. godinu, uz zaključak da se doda pored tri odjeljenja Opšte Gimnazije umjesto jednog piše dva odjeljenja Informacione tehnologije.

17. Prima se k znanju Informacija o poslovnim prostorima uz sljedeći zaključak: Da Općinski načelnik donese Odluku i provede proceduru prodaje poslovnih prostora iz Informacije o poslovnim prostorima pod rednim brojem 2, 3, 4. i 5.

18. Mišljenje na Prostorni plan područja posebnim obilježja dijela slivnog područja akumulacije Modrac se prebaciju na 5. redovnu sjednicu Općinskog vijeća zakazanu za 30.3.2017. godine, uz zaključak da se za istu sjednicu obezbijedi prisustvo predstavnika Ministarstva.

20. Tekuća pitanja:

U okviru ove tačke usvojen je zaključak i donesene sljedeće tačke:

- Da Općinsko vijeće napravi pauzu, da Komisija za izbor i imenovanje i administrativna pitanja u skladu sa važećim zakonskim propisima pravno-formalno provede proceduru i da tamo gdje god su na današnjoj sjednici oboreni Izvještaji o radu i finansijskom poslovanju u Javnim preduzećima i Javnim ustanovama se razrješe Upravni odbori odnosno Skupštine u JP kao i NO, te da se privremeno imenuju ista ova tijela.

1. Donosi se Odluka o razrješenju predsjednika i članova Skupštine JP "Horizontala" Živinice u sastavu: Mehmed Rakovac, Nada Hrustić i Abdurahman Halilović. U obrazloženu dodati stav da se razrješenje provodi radi neusvajanja Izvještaja o radu i finansijskom poslovanju JP "Horizontala" Živinice za 2016. godinu.

2. Donosi se Odluka o imenovanju privremene Skupštine JP "Horizontala" Živinice u sastavu: Nusret Suljić, Damir Mušanović i Čazim Tulumović.

3. Donosi se Odluka o davanju saglasnosti Skupštine JP "Horizontala" Živinice za razrješenje Nadzornog odbora JP "Horizontala" Živinice u sljedećem sastavu; Mensur Šehić, Ramiz Salihović i Mehmedalija Bojagić. U obrazloženju pisati stav da se razrješenje provodi radi neusvajanja Izvještaja i finansijskog poslova JP "Horizontala" Živinice za 2016. godinu.

4. Donosi se Odluka o davanju saglasnosti Skupštini JP "Horizontala" Živinice za imenovanje privremenog Nadzornog odbora u sastavu: Mešan Maslić, Mirnesa Mahmutović i Ahmedin Kozarević.

5. Donosi se Odluka o razrješenju predsjednika i članova Skupštine JP "Veterinarska stanica" Živinice u sastavu: Alija Čehajić, Enes Avdić i Muamer Tabučić. U obrazloženju dodati stav da se razrješenje provodi radi neusvajanja Izvještaja o radu i finansijskom poslovanju JP "Veterinarska stanica" Živinice za 2016. godinu.

6. Donosi se Odluka o imenovanju predsjednika i članova privremene Skupštine JP "Veterinarska stanica" Živinice u sastavu: Goran Mišić, Ilija Lučić i Željko Tomić.

7. Donosi se Odluka o davanju saglasnosti Skupštini JP "Veterinarska stanica" Živinice za razrješenje Nadzornog odbora u sastavu: Sedin Muminović, Kemal Nukić i Nevres Paprikić. U obrazloženju pisati stav da se razrješenje provodi radi neusvajanja Izvještaja o radu i finansijskom poslovanju JP "Veterinarska stanica" Živinice za 2016. godinu.

8. Donosi se Odluka o davanju saglasnosti Skupštini JP "Veterinarska stanica" Živinice za imenovanje privremenog Nadzornog odbora u sastavu: Dalibor Paligorić, Ilija Maričević i Muamer Tabučić.

9. Donosi se Odluka o razrješenju predsjednika i članova Upravnog odbora JU "BKC" Živinice u sastavu: Samid Đulović, Alen Alimanović i Advija Čaušević. U obrazloženju pisati stav da se razrješenje provodi radi neusvajanja Izvještaja o radu i finansijskom poslovanju JU "BKC" Živinice za 2016. godinu.

10. Donosi se Odluka o imenovanju predsjednika i članova privremenog Upravnog odbora JU "BKC" Živinice u sastavu Ervin Kamberović, Emir Zenunović i Hidajet Mahmutbegović.

11. Donosi se Odluka o razrješenju predsjednika i članova Upravnog odbora JU "Centar za socijalni rad" Živinice u sastavu: Šemsija Aljić, Azra Suljkanović i Nihad Habibović. U

obrazloženju pisati stav da se razrješenje provodi radi neusvajanja Izvještaja o radu i finansijskom poslovanju JU "Centar za socijalni rad" Živinice za 2016. godinu.

12. Donosi se Odluka o imenovanju predsjednika i članova privremenog Upravnog odbora JU "Centar za socijalni rad" Živinice u sastavu: Edis Čičkušić, predsjednik, Armin Poljić, i Šemsija Aljić, član.

13. Donosi se Odluka o razrješenju predsjednika i članova Upravnog odbora JU "Dječije obdanište" Živinice u sljedećem sastavu: Adisa Vejzović, Dženida Vrtačić - Isaković i Nataša Kostić. U obrazloženju pisati stav da se razrješenje provodi radi neusvajanja Izvještaja o radu i finansijskom poslovanju JU "Dječije obdanište" Živinice za 2016. godinu.

14. Donosi se Odluka o imenovanju predsjednika i članova privremenog Upravnog odbora JU "Dječije obdanište" Živinice u sastavu: Adisa Vejzović, Adem Ferizović i Asmir Kalajac.

15. Donosi se Odluka o izmjeni i dopuni Odluke o izboru i imenovanju predsjednika i članova Komisije za izbor i imenovanja i administrativna pitanja.

16. Donosi se Odluka o naknadama Upravnim i Nadzornim odborima.

II

Zaključke objaviti u „Službenom glasniku općine Živinice”.

PREDSJEDAVAJUĆI
OPĆINSKOG VIJEĆA

Hamdija Numanović



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE

Tel.: ++387 35 743 392 - fax: ++387 35 743 393

Broj: 10-05-2368-6/2017

Dana, 07.4.2017. godine

Na osnovu člana 24. Statuta općine Živinice ("Sl. glasnik općine Živinice", br. 4/12) i člana 109. Poslovnika o radu Općinskog vijeća Živinice („Sl. glasnik općine Živinice”, br. 3/2017), Općinsko vijeće Živinice na sjednici održanoj dana 30.4.2017. godine, razmatrajući

DNEVNI RED

1. Realizacija zaključaka sa prethodne sjednice Općinskog vijeća Živinice.
2. Izvještaj o radu Općinskog vijeća Živinice za 2016. godinu.
3. Izvještaj o radu Općinskog načelnika za 2016. godinu.
4. Prijedlog Odluke o raspisivanju izbora u MZ.
5. Prijedlog Odluke za imenovanje člana UO JZU "Dom zdravlja" Živinice.
6. Prijedlog Odluke o imenovanju Komisije za izbor u reguliranim tijelima općine Živinice.
7. Prijedlog Odluke o izmjeni i dopuni Odluke o postupku davanja u zakup poslovnih prostora.
8. Nacrt Strategije integrisanog razvoja općine Živinice za 2017-2026. godina.
9. Prijedlog Mišljenja na Prostorni plan područja posebnih obilježja dijela slivnog područja akumulacije Modrac.
10. Vijećnička pitanja, odgovori i inicijative.
11. Tekuća pitanja.

donosi

ZAKLJUČKE

I

1. Realizacija zaključaka sa prethodne sjednice Općinskog vijeća Živinice primljena k znanju.
2. Usvaja se Izvještaj o radu Općinskog vijeća Živinice za 2016. godinu.
3. Usvaja se Izvještaj o radu Općinskog načelnika za 2016. godinu.
4. Prijedlog Odluke o raspisivanju izbora u Mjesnim zajednicama vraća se na doradu uz zaključak
- Da Komisija za statutarna pitanja, Poslovník i propise pripremi izmjene i dopune Statuta općine Živinice u dijelu koji se tiče provođenja izbora po MZ u što kraćem roku.
5. Ne usvaja se Odluka za imenovanje člana UO JZU "Dom zdravlja" Živinice.
6. Tačka povučena sa dnevnog reda.
7. Uz saglasnost Općinskog načelnika Odluka o izmjeni i dopuni Odluke o postupku davanja u

zakup poslovnih prostora vraća se na doradu uz zaključak:

- Zadužuje se Općinsko pravobranilaštvo općine Živinice da izvrši prenos nekretnina koje trebaju da budu u vlasništvu općine Živinice i da preispita one nekretnine koje su trenutno date u zakup određenim korisnicima, pod kojim uslovima i na koji način su potpisani ugovori - informaciju dostaviti Općinskom vijeću Živinice.

8. Usvaja se prijedlog Strategije Integrisanog razvoja općine općine Živinice za 2017 - 2026. godinu, s tim da u Strategiju uđu sve primjedbe i prijedlozi i sugestije koje su vijećnici predložili u diskusiji i raspravi i da postanu sastavni dio ove Strategije.

9. Usvaja se Mišljenje na nacrt Prostornog plana područja posebnih obilježja dijela slivnog područja akumulacije Modrac.

11. U okviru ove tačke:

- Usvaja se odluka o izmjeni Odluke o davanju saglasnosti Skupštini JP „Veterinarska stanica“ Živinice za razrješenje Nadzornog odbora JP „Veterinarska stanica“ Živinice, broj 10-05-2388/2017 od 23.3.2017. godine, tako što se pod rednim brojem 3. umjesto „Nevres Paprikić“ piše „Muamer Tabučić“.

- Općinsko vijeće Živinice kao osnivač javnih preduzeća i javnih ustanova, a zbog neusvajanja izvještaja o radu i finansijskom poslovanju daje prijedlog da se razriješe dužnosti direktora, direktori u javnim preduzećima i javnim ustanovama, kojima nije usvojen navedeni izvještaj od strane Općinskog vijeća.

- Daje se predhodna saglasnost privremenim nadzornim i upravnim odborima u javnim preduzećima i javnim ustanovama koji razriješe dužnosti direktora u JP i JU na prijedlog osnivača da imenuju vršioca dužnosti direktora JP i JU, a na period najduže do šest mjeseci.

- Daje se saglasnost i garancija JKP „Komunalno“ Živinice za kreditno zaduženje kod KOMERCIJALNE BANKE u iznosu od 400.000,00 KM na period od četiri godine.

- da ubuduće na sjednicama Općinskog vijeća trebaju da budu prisutni Općinski načelnik sa saradnicima, pravobranilac i njegov zamjenik.

II

Zaključke objaviti u „Službenom glasniku općine Živinice“.

PREDSJEDAVAJUĆI
OPĆINSKOG VIJEĆA

Hamdija Numanović

Bosna i Hercegovina
Federacija Bosne i Hercegovine
Tuzlansk. kanton
OPĆINA ŽIVINICE
OPĆINSKI NAČELNIK
Broj: 01/2-05-89-331/17
Živinice, 07.03.2017.godine

Na osnovu člana 24. Zakona o cestovnom prijevozu Federacije Bosne i Hercegovine („Službene Novine FBiH“ broj 28/06 i 2/10), i člana 4. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine FBiH br. 79/13, 91/14, 98/14 i 84/15), Općinski načelnik putem Službe za prostorno planiranje i komunalne poslove općine Živinice donosi

R J E Š E N J E

o pokretanju postupka usklađivanja reda vožnje za linijski prijevoz putnika na općinskoj autobusnoj liniji Zelenika Gornja – Živinice

- 1.** Pokreće se postupak usklađivanja reda vožnje za javni linijski prijevoz putnika na općinskoj autobusnoj liniji **Zelenika Gornja - Živinice**.
- 2.** Postupak usklađivanja iz stava 1. ovog Rješenja obaviti će Komisija za usklađivanje reda vožnje.
- 3.** Datum početka i završetka rada Komisije, rok za dostavu izvještaja o provedenom postupku nadležnom organu, biti će propisan posebnim rješenjem.
- 4.** Rješenje stupa na snagu danom donošenja.

O b r a z l o ž e n j e

Mjesna zajednica Zelenika podnijela je zahtjev za uspostavljenje redovnog linijskog prijevoza putnika na relaciji Zelenika Gornja – Živinice iz razloga nezadovoljstva njihovog građanstva sadašnjim prijevoznikom „Litvatrans“ dd iz Banovića koji liniju održava samo do Zelenike, a ne želi ići do Zelenike Gornje.

Iz navedenog razloga kontaktirali smo prijevoznika koji obavlja prijevoz na ovoj liniji i isti se izjasnio da nema ekonomsku opravdanost voziti do Zelenike Gornje, te smatramo da je zahtjev predstavnika mjesne zajednice opravdan i pokrećemo postupak usklađivanja reda vožnje na ovoj liniji.

Visina naknade za troškove provođenja postupka usklađivanja reda vožnje propisana je Odlukom o izmjeni i dopuni Odluke o visini naknada u postupku usklađivanja redova vožnje na području općine Živinice broj: 10-05-36925/15 od 08.07.2015. („Službeni glasnik Općine Živinice“, broj:

11/15).

Sredstva se uplaćuju na žiro račun budžeta općine Živinice broj: 1543602004730752 vrsta prihoda 722 611 sa naznakom "za usklađivanje reda vožnje".

Ostvareni prihodi od uplata za postupak usklađivanja, koristiće se za pokrivanje troškova provođenja postupka usklađivanja reda vožnje.

Javni oglas o pokretanju postupka za prikupljanje zahtjeva sa propisnom dokumentacijom, sa vjerodostojnim dokazima o ispunjavanju propisanih uslova, za usklađivanje reda vožnje, objaviti će se u Službenom glasniku općine Živinice, na službenoj web stranici općine Živinice i u dnevnom listu koji se distribuira na području cijele Federacije BiH.

POUKA O PRAVNOM LIJEKU: Protiv ovog rješenje može se uložiti žalba Federalnom ministarstvu prometa i komunikacija u roku od 15 dana od dana prijema rješenja. Žalba se podnosi putem prvostepenog organa uz uplatu federalne administrativne takse u iznosu 15,00 KM na osnovu člana 4. tarifni broj 3. Zakona o federalnim upravnim pristojbama i tarifi federalnih upravnih pristojbi („Službene novine FBiH”, br. 6/98, 08/00, 45/10 i 43/13).

OPĆINSKI NAČELNIK

dr.sc. Samir Kamenjaković

Bosna i Hercegovina
Federacija Bosne i Hercegovine
Tuzlanski kanton
OPĆINA ŽIVINICE
OPĆINSKI NAČELNIK
Broj: 01/2-05-89-481/17
Živinice, 23.03.2017.godine

Na osnovu člana 24. i 25. Zakona o cestovnom prijevozu Federacije Bosne i Hercegovine („Službene novine FBiH“ br. 28/06 i 2/10), člana 4., 5., 10. i 11. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine FBiH br. 79/13, 91/14, 98/14 i 84/15) i Rješenja o pokretanju postupka odobravanja i registracije reda vožnje za redovni javni autobusni linijski prijevoz putnika na području općine Živinice, broj: 01/2-05-89-331/17 od 07.03.2017. godine, Općinski načelnik putem Službe za prostorno planiranje i komunalne poslove općine Živinice, objavljuje

JAVNI OGLAS
o pokretanju postupka usklađivanja reda vožnje za javni linijski prijevoz putnika na relaciji Zelenika Gornja – Živinice, općina Živinice

Pokreće se postupak prikupljanja zahtjeva sa propisanom dokumentacijom za usklađivanje reda vožnje na općinskoj autobusnoj liniji **Zelenika Gornja - Živinice**.

Prijedlog reda vožnje zainteresovanih prijevoznika deklarise će se kao novi red vožnje, a postupak će se provesti na osnovu odredbi Zakona o cestovnom prijevozu Federacije BiH, Pravilnika o kriterijima, postupku i načinu usklađivanja, registracije i ovjere reda vožnje, te sadržaju i načinu vođenja registra (u daljem tekstu: Pravilnik) i na osnovu Rješenja Općinskog načelnika o pokretanju postupka usklađivanja reda vožnje, broj: 01/2-05-89-331/17 od 07.03.2017. godine.

Uz zahtjev, zainteresovani prijevoznici, su obavezni dostaviti:

I. Prijedlog reda vožnje (7 primjeraka).

Prijedlog reda vožnje koji se dostavlja na usklađivanje mora biti urađen na propisanom obrascu. (**Prilog 1a** iz Pravilnika);

II. Dokaze o ispunjavanju uslova za obavljanje linijskog prijevoza putnika u unutarnjem cestovnom prijevozu (član 11. Pravilnika) i to:

1. Ovjerenu kopiju važeće licence „A“ ili „AB“ za obavljanje javnog linijskog prijevoza putnika ili potvrdu nadležnog organa koji izdaje licence;
2. Potvrdu ili Uvjerenje da prijevoznik ispunjava obaveze u pogledu plaćanja javnih prihoda (indirektni i direktni porezi i doprinosi za radnike) izdate od nadležne poreske uprave ili potpisan Sporazum o plaćanju pristiglih obaveza na rate i Potvrdu da prijevoznik isti

- redovno izmiruje. Datum do kog su izmireni javni prihodi ili izmirena obaveza iz sklopljenog Sporazuma ne može biti starija od 90 dana u odnosu na dan objave oglasa za podnošenje dokumentacije u „Službenom glasniku općine Živinice“;
3. Izvod iz Rješenja o upisu poslovnog subjekta u sudski registar sa spiskom registrovanih djelatnosti, koji ne može biti stariji od 30 dana od dana objave javnog oglasa u „Službenom glasniku općine Živinice“;
 4. Uvjerenje o poreskoj registraciji - ID broj i dokaz o prijavi Upravi za indirektno oporezivanje - PDV broj;
 5. Spisak uposlenih vozača ovjeren od strane Federalnog zavoda za penijsko i invalidsko osiguranje;
 6. Ovjerenu kopiju važećeg rješenja o ispunjavanju tehničko-eksploatacionih uslova za sve autobuse koje prijevoznik posjeduje u vlasništvu;
 7. Ovjerenu kopiju zaključenog ugovora o osiguranju putnika od posljedica nesretnog slučaja ili potvrdu osiguravajuće kuće da je taj ugovor zaključen ili ovjerenu kopiju zaključene police osiguranja za pojedinačno vozilo - autobus;
 8. Dokaz o uplati za troškove postupka usklađivanja, ovjeren od strane banke i priložen uz red vožnje, iz kojeg je vidljiva uplata za svaki prijavljeni polazak, odnosno povratak;
 9. Za red vožnje koji će se održavati u kooperaciji prijevoznik je dužan dostaviti Ugovor o kooperaciji koji, pored drugih elemenata ugovora, obavezno sadrži slijedeće elemente: režim zajedničkog održavanja linije od strane kooperanta, spisak polazaka i povrataka koje održava pojedini prijevoznik i u kojem periodu, način sticanja i raspodjele dobiti između kooperanata, način formiranja cijene prijevoza i druge elemente. Ugovor mora biti potpisan i ovjeren od strane svih kooperanata koji su upisani na red vožnje i od organa nadležnog za ovjeru dokumenata i smatra se sastavnim dijelom predmeta reda vožnje;
 10. Spisak registrovanih redova vožnje (**Prilog 4** iz Pravilnika) ovjeren kod nadležnog organa za ovjeru dokumenata koji sadrži popis svih registrovanih redova vožnje, nazive linija i kooperanata sa kojim iste održava, broj polazaka i povrataka razvrstanih po rangu linije i organu koji je izvršio registraciju reda vožnje, kao i broj međuentitetskih redova vožnje i nazivom kooperanata sa kojima taj red vožnje održava, vremena polaska i dolaska kao i vremena povratka i dolaska za svaki red vožnje, osim međunarodnih redova vožnje;

Dokaze iz stava II tačke 1. i 2. oglasa, po službenoj dužnosti pribavlja organ koji vodi postupak usklađivanja. U ovom slučaju, umjesto ovjerene kopije, Komisija može prihvatiti potvrdu ovjerenu od strane organa koji je ovlašten za izdavanje tog dokaza.

Uvjerenja i potvrde iz stava II tačka 2. Oglasa, **obavezno moraju imati navedeno da se izdaju u svrhu sudjelovanja na javnom postupku usklađivanja reda vožnje.**

Uz dokumentaciju iz stava II oglasa, prijevoznik je dužan prijedlog reda vožnje koji se usklađuje dostaviti i u elektronskom obliku na računarskom programu za obradu tabela, u skladu sa obrascem (**Prilog 1a** iz Pravilnika).

Zainteresovani prijevoznik sa pravom prigovora koji se ne prijavi na javni oglas, a koji učestvuje u postupku prigovaranja i koji prigovara redom vožnje istog ili različitog ranga, dokaze iz stava II pribavlja sam i dostavlja ih Komisiji u rokovima propisanim Pravilnikom.

Naknada za postupak usklađivanja za novi red vožnje za svaki polazak i svaki povratak iznosi **100,00 KM.**

Uplata naknade za postupak usklađivanja vrši se na račun budžeta Općine Živinice **broj: 1543602004730752**, vrsta prihoda **722611**, sa naznakom „Naknada za usklađivanje reda vožnje“.

U postupak usklađivanja neće biti uvršten:

- Prijedlog reda vožnje koji je neblagovremeno dostavljen;
- Prijedlog reda vožnje koji nije u skladu sa objavljenim predmetom usklađivanja;
- Zahtjev prijevoznika koji ne ispunjava uslove iz člana 11. Pravilnika;
- Prijedlog reda vožnje prijevoznika za koji nije dostavljen dokaz o izvršenoj uplati propisane naknade za provođenje postupka odobravanja;

Zahtjeve sa propisanom dokumentacijom zainteresovani prijevoznici dužni su dostaviti **u roku od 30 dana** od dana objavljivanja oglasa u „Službenom glasniku općine Živinice“.

Zahtjevi se podnose u zapečaćenoj koverti na adresu:

**OPĆINA ŽIVINICE,
ul. Alije Izetbegovića br. 28
Službe za prostorno planiranje i komunalne poslove,
KOMISIJA ZA USKLAĐIVANJE REDA VOŽNJE
sa naznakom „NE OTVARAJ“**

Na poledini koverta obavezno naznačiti naziv, adresu i kontakt telefon prijevoznika – podnosioca zahtjeva, zbog obavjesti o javnom otvaranju koverti.

O mjestu i vremenu održavanja sastanka na kome će se izvršiti javno otvaranje koverti i održavanja sastanka na kojem će se izvršiti odobravanje redova vožnje, zainteresovani prijevoznici će biti blagovremeno obaviješteni.

**OPĆINSKI NAČELNIK
dr.sc. Samir Kamenjaković**

„Službeni glasnik Općine Živinice“
broj: 6/2017

SADRŽAJ

I - AKTI OPĆINSKOG VIJEĆA

1. Odluka o izmjeni Odluke o davanju saglasnosti Skupštini JP "Veterinarska stanica" Živinice.....	2
2. Odluka o davanju saglasnosti i garancije za kreditno zaduženje.....	3
3. Zaključci sa 4. redovne sjednice Općinskog vijeća Živinice održane 23.3.2017. godine.....	4
4. Zaključci sa 5. redovne sjednice Općinskog vijeća Živinice održane 30.3.2017. godine.....	8

II - AKTI OPĆINSKOG NAČELNIKA

5. Rješenje o pokretanju postupka usklađivanja reda vožnje za linijski prevoz putnika na općinskoj autobusnoj liniji Zelenika Gornja-Živinice.....	10
6. Javni oglas o pokretanju postupka usklađivanja reda vožnje za javni linijski prevoz putnika na relaciji Zelenika Gornja-Živinice, općina Živinice.....	12

"Službeni glasnik općine Živinice" uređuje: Stručna služba općinskog vijeća Živinice
Odgovorni urednik i lektori: Suad Avdagić, Nermina Mahmutbegović i Mersiha Zahirović
Tehnička priprema i štampa: Služba za opću upravu i društvene djelatnosti
Kontakt informacije: 035/743-392, ovijece@opcinazivinice.ba